

都 原易平望鎮甯坻田十五畝 二十七都 柳字圩田二畝四分 二十九都 原里中公田三畝嘉靖間存外學圩田二畝

田一 者竝屬今吳江縣地歷世久遠惟中絲及戶字圩二所尚未盡廢而我朝好義者時有建設今竝列於左

一都位字圩義冢 田四畝六分一釐四毫 康熙九年額駙王某捐設 屈志云九年六月十二日太湖水決平地丈餘浮屍盈萬額駙過而傷之乃捐買北門外三里橋位字圩田四畝設義冢埋棺五百七十三即捐買位字圩田十二畝五分為祭田按乾隆六年豁免公占錢糧冊位字圩義冢實免四畝六分一釐四毫今從之

三都東廟興圩義冢 田二分八釐一毫 初設未詳

二十都小伏圩義冢 田五畝二分蕩五分 雍正初里人俞衡旦等捐設 雍正初里人毛嘉卿棺所於僧舍乾隆六年里人汪慕川等續設施棺局於大適圩號曰普仁堂捐銀若干存各典生息以給費十一年里人王維鏞於小伏圩義冢捐建骨塔一座小伏圩又有商人義冢乃商人程公遠等捐設以埋商人之客死而不能歸葬者附識於此

二十一都親字圩義冢 田六畝六分二釐四毫 康熙四十九年里人錢茂蘭邢彩生等捐設

二十三都東中絲圩義冢 見舊志今存田二畝

吳江縣志

卷十 義冢

五十一

二十三都東作字圩義冢 田八分有普同塔兩座 雍正十三年貢生陳時夏等捐設

二十五都大穩圩義冢 田四畝五分 乾隆九年教諭廖維新監生周九成捐設 廖維新捐田二畝

畝八分周九成捐田一畝七分

二十五都仁牛圩義冢 田四畝二釐五毫外連臨河新漲地二分三釐一毫 乾隆九年監生盛弘勳捐設 按仁

牛圩屬吳江縣而弘勳為震澤人報捐田在其本邑故勒碑曰江震義冢

二十六都南秘圩義冢 田五分一釐四毫 乾隆九年趙植等捐設

二十九都戶字圩義冢 見舊志今止存三分

卷之十一

營建六

寺觀

舊吳江縣寺觀見宋吳郡志者止七所雙林禪院報恩禪院法喜寺應天禪院無礙院永福院殊勝院及元而綦布星列多至一千八十餘所 此從莫志徐云一千一百六所 明洪武二十四年存叢林寺二十一所觀一所餘寺觀院庵悉歸併叢林當時數無考

莫志於叢林寺觀外列歸併寺觀院庵及未歸併者共一百一十餘所徐志又增載八十餘所二志所載竝建置於宋元以前故已多圯廢雍正中分縣計現存而仍屬吳江者凡五十餘所今列叢林之賜額者於前餘以所在都數次列而每都則以建置之先後爲序惟道觀甚少故雖已廢者不削僧寺之賜額而廢者如之至明以來所建竝無賜額又其規制多簡陋故雖頗見於近志而載者絕少云

聖壽禪寺吳赤烏中建盧王二郡志竝同晉天福七年重建名興寶院此句上姑蘇志及莫徐二志竝有梁

開平三年建句莫志又以名興寶院繫之吳赤烏中今按陳武子記云梁開平三年置縣閱三十四年而是院始名興寶則三志所云俱誤故宋天

聖二年賜今額在縣治西北延壽坊俗稱北寺周二十畝建炎中燬於金兵淳熙三年知縣趙公廣重建建陽陳武子記紹定三年僧德順增建觀音殿元至正元年重建明洪武中僧慈雲重建爲祝釐道場十年設僧會司徐志云內有制敕符驗皆太祖賜慈雲物也

舊有鐘樓後廢按銅鐘刻文鐘樓乃元至大元年前鎮守吳江長橋管軍總管張問達造銅鐘亦其所鑄明嘉靖中倭夷來寇知縣楊芷移鐘懸城東門樓撞之以集士卒禦倭國朝康熙中僧子彬告諸平望營守備張光玉歸鐘於寺湖州沈涵記中有山亭嘉靖中其西區

吳江縣志

卷十一 寺觀

五十二

多割爲居第萬曆三十六年僧達觀創建藏經閣府志云隆慶元年誤閣前有鐵塔七級高

五丈有鐵香爐爲角端形或云獅形閣西有大悲堂崇禎二年知縣熊開元建東有準

提壇十五年僧克宗募建國朝康熙二十二年寺僧幼嚴復建山門四十一或作

二年正殿燬於火乾隆五年署縣事韓墉卽觀音殿廢址建例穀倉無礙講寺在

縣治右常樂坊西俗稱西寺周一十二畝梁開平三年僧本遂建晉天福七年賜

額華嚴賢首教寺宋建隆三年吳越忠獻王浴於此改今名紹興二年僧宗印邑

人宋邨重建普賢堂晉陵孫覲作普賢應夢記明正統九年僧文旭重建成化二

十三年僧明重建藏殿此從莫志明下空一格蓋失其名之下字耳藏殿乃重建非增建也諸本云明重增建恐誤鑄銅佛

高丈許萬曆初年燬二十年僧定圓重建天啓末僧桂巖建樹月樓崇禎初邑人

吳銘創建銅佛閣國朝康熙九年僧會眞建彌勒閣十一年僧達慧重修山門

二十三年重建銅佛閣及禪堂四十二年其徒祖燈增建大悲閣有飯僧田

寧境華嚴講寺在東門外江南市周四十五畝梁衛尉卿陸僧瓚捨莊基建舊志此句

上有東晉大明元年六字本曾令得記按東晉有大元無大明大明是宋孝武年號陸僧瓚乃梁人與晉宋何涉意此寺創建或在東晉或在宋而僧瓚復捨莊基拓之特其文脫誤致不可解耳今亦無確據故且從姑蘇志削之又徐志云僧嚴建按曾令得記云衛尉卿陸僧瓚捨莊基爲寺法師嚴公講道其間則徐志誤也今從

名華嚴院太平元年姚製重建

按太平爲梁敬帝年號一作天平誤文炯實塔記云天平元年東魏孝靜帝之號時江南

爲梁中大通六年魏之正朔不可用於梁猶梁之不可用於魏也舊志於太平上冠以東魏尤誤 晉開運三年僧弘佐增修宋元

祐四年里人姚得瑄施錢四十萬緡建浮圖七級高十三丈形方故名方塔其隣

舊有寧境院紹興五年僧從了捨併華嚴爲一賜今額竝存二院舊名也時有僧

慧壽拓址增建殿堂建炎中浮圖燬於兵紹興十七年王助教修又百餘年郡人

鈕某修

建炎以下見文炯實塔記

元大德間僧善信修至正二十四年寺復燬於兵二十七年

僧繼重建明永樂初僧文錦募修十三年僧文炯重修增建西方殿宣德二年吉

水曾令得記正統二年僧會智廉重建成化十六年燬僧祖蘭重建中有潮音堂

西軒西樓嘉靖中爲祝釐道場萬曆中僧海潮重建邑人趙士諤記 國朝順治

中僧行荃修仍爲祝釐所康熙五年雷擊浮圖一角二十一年雷火焚下四級二

吳江縣志

卷十一

寺觀

五十二

十六年颶風大作塔頂圯四十四年邑人潘耒募修六十一年僧弘傳募建山門

乾隆八年僧自度募建天王殿九年潘耒子其炳重募修浮圖知縣丁元正以父

子踵事又竝有鶴鳴之瑞題曰鳴鶴塔序而銘之十年藥師閣燬十一年僧自度

重募建

接待禪

莫志郡志竝作教

寺在東門外南津口俗稱南寺周三十畝宋紹興十二年僧慧

觀建紹熙二年僧寂照重建賜額承天萬壽禪寺元至元二十年僧正壽增建華

光殿改今名明景泰二年僧湖濱重建內有祝壽放生池具區一覽樓中書盧儒

記萬曆十五年吳縣吳某重建禪堂平湖陸光祖記四十四年少林僧道通寺僧

興勤募建延壽堂周永年記崇禎九年邑人沈自徵捐田三百畝爲供佛飯僧之

資自爲記 國朝康熙五十年僧正因增建大悲閣震澤吳家驥記其飯僧田今

存

羅漢講寺在二十三都黎里鎮周一十四畝晉永熙元年里人施氏捨地僧法燈

建

此從徐志莫以其事屬宋淳熙三年恐誤

名普同院宋淳熙元年僧梵敷奏賜今額明成化間僧千

江募修汝訥記永樂元年僧來與修宣德七年僧永文增建給事中松江陶育記

正統中僧淨月修萬曆末燬 國朝康熙元年里人謝朝鳴胡曜等重建

圓明禪寺舊在二十三都車溪傍宋乾德屈志作道誤中僧月覺建明洪武中歸併寧

境華嚴講寺二十九年僧蒙極捨衍慶庵姑蘇志作寺誤基拓建永樂初僧德城奏請今

額十五年僧宗煥重建後廢正統初僧祚移建於二十都盛澤鎮俗稱白馬寺正

德十一年僧如瓊修嘉靖中僧壽源捨地拓之 國朝順治中修

按姑蘇志及徐志因當時有小寺觀院庵歸併叢林之法故每列一叢林寺觀即以所歸併者亞一字附之 本朝無歸併法故今不用其例然此法措置頗

善故仍莫志例列叢林於前次列小寺觀之歸併者

骨池菴在二十五都元至元十四年僧善瑩建菴南有蓮花池鄉人無葬地者皆水塋其中故名至正中僧琇奏請賜額圓照又以四面皆水波瀾在目故又名目

吳江縣志

卷十一 寺觀

五十四

瀾洲明洪武中歸併殊勝教寺宣德八年僧德欽修太常卿嘉興呂憲追記其事

嘉靖二年僧大霖重修

法喜教寺在二十六都周一畝唐武德中僧西遇建後唐長興元年元徐志作九年徐誤今按長興止四

從吳郡志統軍趙某重建名崇福院宋大中祥符元年賜今額明景泰元年僧寧

再建成化六年僧道際修教諭吳驥記 國朝康熙十一年僧茂庵重修

按聖壽禪寺至此皆賜額者

萬蓮庵在城西南隅屈志云在南門內元大德間僧志勲建 國朝順治十三年僧明徹

重修後改建張睢陽廟

孝友庵在一都宋咸淳間僧普明建明洪武中歸併普濟寺

大悲庵在二都 國朝順治初里人陶連州捨地建康熙六十年知縣葉前以寺

僧哲曉禱雨有應捐俸增建前殿雍正四年僧月潭修乾隆五年僧永明重修

永福教寺在三都八斥周四畝初名永福院建置無考後燬宋紹興二十一年僧

宗澗重建名接待院

本李杼記舊志竝有脫誤

通判李杼

一作杼

記明萬曆中修

國朝順治十

一年僧智明覺惟募修康熙七年里人沈君彩僧普雲建五十四年燬僅存殿後

佛閣

善慶庵在二十都茅塔宋咸淳中僧可洪建明洪武十一年僧嗣興重建後歸併殊勝教寺正德十二年僧道璿修

奇雲庵在茅塔宋咸淳二年建明崇禎中僧解空重建

國朝康熙三十五年僧

東輪修計默記

南詢庵在二十都元大德間僧普照建明洪武中歸併泗洲教寺正統十三年僧覺寧重修

慶壽庵在二十都元至正中僧本厚

姑蘇志作妙原

建明洪武中歸併殊勝寺改歸併圓

明寺成化二十年僧圓證增建西雲樓嘉靖十三年僧慶鎮修有續燈記趙寬撰

國朝康熙四十七年僧徹觀拓建

吳江縣志

卷十一

寺觀

五十五

積慶講寺在二十二都宋建炎元年僧戒南建明宣德中僧善見重建 國朝順

治初里人曹孟昭修康熙中陳思道修大殿建禪堂有飯僧田

翠筠庵在二十二都宋咸淳中建明萬曆中僧茂庵修 國朝康熙七年僧匯遠

拓基重建

定慧庵在二十三都元泰定中僧法

府志作汝

瑣建明洪武中歸併積慶講寺二十五

年僧元禎修嘉靖初廢三十年僧海容重修更名過溪庵僧智逸重修

睡龍庵在二十三都黃家溪南宋高宗南渡駐駕於此故名東有睡龍灣

蓮華庵在二十三都黎里鎮宋嘉泰五年建明萬曆間僧湛如修 國朝康熙初

修九年僧行元修觀音殿

普覺庵在二十三都宋嘉定中僧道南建明洪武十年僧秋月建更名水雲庵萬

曆中僧如芳修 國朝康熙元年僧照顏重建

喻指庵在二十三都黃家溪宋淳祐中僧圓立建 國朝康熙間僧益謙重建

瑪瑙庵在二十三都黎里鎮西北水中央宋寶祐三年僧原妙建明萬曆間修國朝康熙二十一年僧正如重建

古龍庵在二十三都盛澤鎮南宋咸淳中建明狀元朱之蕃題額

梵光院在二十三都初建無考明洪武中歸併羅漢講寺弘正間廢隆慶五年潘堂捨地建崇禎間燬 國朝順治五年僧蘊空重建康熙中竹隱道生重修

百婆庵在二十五都龐山湖口元大德中僧普寧建有老媪百人績麻助役因名明洪武中歸併聖壽寺正統十年僧道訥修嘉靖十八年廢後重建

南渡船庵在二十五都外方尖元至正中僧普慧建明洪武中歸併聖壽寺正統八年僧曇祐修萬曆初僧某鬻諸人將毀邑人迕霖贖之天啓二年僧普函修郡人趙宦光記 國朝康熙五十三年僧慧目重建

普明庵在龐山湖濱元至正中建夜則懸燈於竿以指行舟明永樂中里人陳讓捐田五畝爲燈費嘉靖三年知縣王紀更名指明亭讓孫理記讓孝子晉孫也

吳江縣志

卷十一 寺觀

五十六

慧日懺院在二十六都同里鎮宋淳祐中里人馬元吉捨地建明洪武中歸併法

喜教寺正統七年僧寧重建嘉靖間改報功名宦祠祀明知縣以上之有功吳江者 國朝康熙

間仍爲懺院乾隆六年分其地之半改建社會

吉祥庵在二十六都宋咸淳中僧智寂建明洪武中歸併華嚴講寺宣德八年僧

宗恩修嘉靖間廢萬曆初僧栢州建 國朝雍正四年僧法蔭重建

報恩禪寺在二十七都屯村周二十四畝唐大中二年顧文通捨宅建宋慶曆中僧圓實府志作寶誤 重建明洪武中歸併聖壽禪寺永樂中以糧艘誣奏被籍宣德二

年僧良璫辨明赦復重建正統十一年僧古泉增建天王殿天順末年復立山門及方丈并飯僧堂吳驥記萬曆十九年僧涵空修崇禎十二府志作五年僧明巖增建

石佛大殿置飯僧田一百四十畝十六年僧浮石增建觀音殿又置飯僧田一百

二十畝 國朝順治七年僧海定募修十八年僧浮石修康熙十二年僧佛杲募修乾隆八年僧宗開修并重建觀音殿

慈報庵在二十七都北操圩周九畝梁天監二年僧戒眞建宋慶曆初僧契嵩重建明宣德間虎邱都綱南印修景泰中承天寺都綱永端重建武功伯吳縣徐有貞記 國朝順治八年僧如積等重修

泗洲教寺在二十九都蘆墟鎮周三畝唐景龍二年建宋開禧中僧法行重建紹定中僧清杲修元至正中僧文玖重修明永樂中僧道趙記璿再修正統中燬景泰中僧道珩募建天順元年又燬弘治十五年僧慧鑑募建趙寬記天啓中增建觀音殿崇禎中增建禪堂

以上寺

衍慶昭靈觀在縣治東北盧王二郡志云舊在縣治東誤詳壇廟祠篇後河南本名昭靈侯廟又名城隍廟

徐志云唐先天二年敕建誤蓋先天敕建者乃蘇州刺史李公祠非昭靈侯與城隍廟也元至元十二年建三清殿大德

三年嗣天師奏改衍慶昭靈觀明洪武三年別建城隍廟於後河北觀額仍舊十五年設道會司二十六年火燬道士胡若拙修永樂元年道會趙宗源重建景泰

吳江縣志

卷十一 寺觀

五十七

中又火道會趙一清重建弘治十六年住持李本清修後廢玉清洞眞觀在同里

鎮周四畝宋嘉定十三年里人葉宣諸志俱作先今從徐志贊捨地建淳祐十三年賜額希

夷元至正七年改賜今額道士黃中一增建玉皇殿里人章思忠塑神像明洪武十七年道會朱守默增建佑聖殿後歸併衍慶昭靈觀宣德初住持蔡眞靜重建

吳驥記九年思忠子仲弘重塑神像何源記里人李永吳記眞重建佑聖殿吳驥

記

瑞雲觀在二十七都韓墅村元至元二十九年吳郡陸志寧始建庵大德九年斥

故宇易庵爲觀教主嗣眞人爲署今額至泰定三年訖工黃潛記明洪武中歸併

衍慶昭靈觀久廢按潛記訖工時所司上奏天子時下璽書加護

按衍慶昭靈觀至此竝奏聞及賜額者

崇眞道院府志作樂貞觀云舊名崇貞道院屈志云舊名常應觀今從姑蘇志在縣治東北東二保周三畝餘元至

大三年邑民沈守中捨宅道士沈眞靜建姑蘇志云邑民沈眞靜捨宅建今從史志明洪武中歸併衍

慶昭靈觀正統四年道士楊湛然修弘治十一年義官王賢重修嘉靖二十七年道士周應祥再修副使沈啓記萬曆四十四年燬僅存永樂敕賜法衣及字箋幟法明年道士錢允徵重建真人張國祥改題崇真觀 國朝康熙五十四年道士朱天翔重建方丈

靈真道院今名仙源道院在仙里橋南東三保元至正十三年里人張元通募陳昉仙跡捨宅建明永樂十四年里人吳道榮重建

雷尊殿在縣治東北後河南東嶽廟正殿之左元至正中建後漸圯廢 國朝順治中道士馬之儁募修康熙六十年知縣葉前修

按雷尊殿始不著名順治三年正月十五日賊劫殺知縣提督吳勝兆率兵來討傳令屠城已縛七十餘人忽見烟光起殿屋上霹靂隨至勝兆大驚默禱於神謂百姓苟無辜即復震果復震於是改令釋縛城中民得全殿自此名著一邑

吳江縣志

卷十一 寺觀

五十八

玉虛道院在二都南津口初建無考今稱頭天門 國朝乾隆十二年知縣陳莫纘修

純陽道院府志云即元壇廟誤在長橋東南宋淳熙二年道士李子山建明正統九年道士

沈洞雲修 國朝順治四年穹窿道士施道淵命徒晏守安拓基募建真武殿純

陽閣元壇靈官殿後遂稱二天門康熙二十五年道士曹可能陳養廉修雍正九年道士王彰重修山門

紫霄宮即真武廟在三都八斥官塘初建無考明萬曆三十二年里人屈啓潛僧貫一

重建 國初燬於兵康熙十九年紹興陸茂亭再建康熙十九年正月二十三夜江寧徽州兩客竝泊紫霄宮側俱夢真武命已救六人旦而覺驚異焉皆不解維午間颶風大作有過客舟覆而溺徽寧客皆竭力拯救溺者得甦問其姓名則爲陸茂亭因各述所夢陸乃偕兩客詣廟禮拜即捐貲建造云康熙五十八年邑令葉前重建

廣濟亭在五都東明成化間建爲施茶所後以神顯靈異因建屋居道士

洞真宮在二十一都程林村宋淳熙中道士陳守真建後廢萬曆中張鳳翔募修

國朝康熙二十六年道士汝飛卿重建

福德道院在二十二都上沈村元至正四年道士金悟真建明宣德四年道士戴

克真重建大理少卿湖州楊復

按復字遂初舊志云復初誤

記景泰

按碑文當作天順

七年道士黃一

中修太常少卿會稽陳贄記嘉靖四十一年道士 應禎徐師惠同修 國朝乾

隆四年道士沈仙期募建彌羅閣客堂

全真道院一名東嶽廟在二十三都黎里鎮元至元二年道士何惟一建後廢明

崇禎十年道士李悟晨重建里人施洪化捨基增建元壇殿 國朝康熙十一年

道士施奇策里人施恩謝朝鳴募修雍正九年道士朱鴻增建斗母閣乾隆七年

道士楊洪成募修大殿

明真道院在二十三都洪里村元至正二年里人沈玉淵捨宅道士萬弘道建明

洪武八年道士沈道本修後歸併衍慶昭靈觀

玉仙行宮在二十三都盛澤鎮南嘉靖十二年道士卜俊即南宋報慈禪院廢址

吳江縣志

卷十一

寺觀

五十九

建崇德呂希周記 國朝康熙二十四年道士盛成文萬能祥募建大殿

仁濟道院在二十六都同里鎮宋淳熙七年里人金道隆建明洪武中歸併衍慶

昭靈觀永樂九年道士俞嗣宗里人吳道良重建天順八年道士倪守真增建元

穹閣莫旦記後爲城隍廟今爲禪院乾隆五年里人增建文昌閣

翊靈道院在同里鎮元

舊志作宋誤

皇慶二年里人張守之建明正統元年里人任伯

通重建今爲僧舍

元明道院在二十七都庀村明洪武中里人募建正德十三年道會費本和修後

燬嘉靖四十年昭靈觀住持朱尙明重建

以上觀

徐師曾曰古之教一而已矣後世崇奉釋老於是其徒蔓衍室廬叢興蕭梁以來江南獨盛下迨元朝尤爲侈濫於時一邑而二氏之宮至一千一百六所嗚呼極矣然二教竝行而道宮僅當百二此則有不可曉者豈其教弗及歟將由

乎人也我朝崇復正道漸加抑損然舊志所載尚二百有奇無額者不與焉亦不爲少矣及今考之廢者過半則抑損之明效也

按明初小寺觀院庵歸併叢林乃歸併其僧道於叢林令不敢爲非且得盡毀改小寺觀院庵以爲里社壇也此固洪武中善政之一永樂以後又屢禁創建顧有司奉行不力僧道散處小寺觀院庵者仍多而私自創建者亦不少本朝無歸併法而私自創建之禁較明加嚴會典所載歷歷可據康熙五十年諭曰直省創建寺廟多占據百姓田廬既成之後愚民又爲僧道窩藏逃亡罪犯行事不法實擾亂地方向原行禁止因日久漸弛著各督撫及地方官除原有寺廟外其創建增造永行禁止大哉王言尤足令人凜然也